

Intanv al Lochen

*Jarm gant
Per Ar Skour ?*



Er bed-man, nag aour nag arc'hant
Biskoaz en meuz staget va c'halon
Me n'on nemed eur c'hoz paizant
Kontant on em c'hondision. *(bis)*

Mez ma fried karantezuz
A golon hirio pebez anken
Gwelet ez 'on ken maleurus
C'huec'h kraouadur em beuz em lochen. *(bis)*

En amzer ma oa beo ma fried
E furnez a charme va c'halon
Ma bugale oc'h va c'haret
A roche d'in gonsolation.

Beb eil a boken d'ezhie
Eun tad evrussoc'h na oa biken
Dre o jestou tener bembdeiz
Me oa c'hoaz euruz 'barz em lochen. *(bis)*

Braz oa al laouenedigez
Pa oan er gear gant va ziad
Ha pa welan va merc'hik kez
A teu an dour deuz va daoulagad.

Seblantout a ra d'in bembdeiz
Gwelet e mam baour en e c'hichen
En despet d'ar c'hunz diremed
Me oa c'hoaz euruz 'barz em lochen. *(bis)*

Ha mar gellon hep kaout miser
Sevel ha diski va bugale
Ha neuze c'hoaz gant an amzer
Fortuni ma merc'hik martreze.

Neuze va faotr a vo deut braz
Kapabl da labouraat an dachen
Em c'hozni me a c'hello c'hoaz
Beva evuruz 'barz em lochen. *(bis)*

Evrussoc'h c'hoaz me 'n em gavo
Po gwelin o c'honid o bara
Ha neuze pa teui ar maro
Euz ar vuhez-man d'am delivra !

Ma miSnouned va intero
Gant va fried pe en e c'hichen
Ha va bugale a ranno
Va zam tiegez ha va lochen ! *(bis)*

Em gwele douar pa vezin
O repoz em bered Rumengol
M'ho ped kaout truez ouzin
O Itron Varia Remed-oll.

Ha pa teui va bugaligou
War va be da ober o feden
C'hui va Doue, a bardono
Da ene paour intanv al lochen. *(bis)*

Al Laouënan



Me zisplunfe d'oc'h eul laouenanik
A zo eul loenik ker bihanik
Me zisplunfe e droad d'al laouenan
Me zisplunfe teod d'al laouenanik,
E deod, e veg, beg al laouenanik
Me zisplunfe e droad d'al laouenan
Me zisplunfe lagad d'al laouenanik
E lagad, e deod, e veg, beg al laouenanik
Me zisplunfe e droad d'al laouenan.
Me zisplunfe penn d'al laouenanik
E benn, e iagad, e deod, e veg, beg al laouenanik
Me zisplunfe e droad d'al laouenan
Me zisplunfe kouk d'al laouenanik
E c'houk, e benn, e lagad, e deod, e veg, beg al laouenanik
Me zisplunfe e droad d'al laouenan.
Me zisplunfe kof d'al laouenanik
E gof, e chouk, e benn, e lagad, e deod, e veg, beg al laouenanik
Me zisplunfe e droad d'al laouenan.
Me zisplunfe kein d'al laouenanik
E gein, e gof, e chouk, e benn, e lagad, e deod, e veg, beg al laouenanik
Me zisplunfe e droad d'al laouenan.
Me zisplunfe morzed d'al laouenanik
E vorzed, e gein, e gof, e chouk, e benn, e lagad, e deod, e veg,
Me zisplunfe troad d'al laouenan.
Me zisplunfe kar d'al laouenanik
E c'har, e vorzed, e gein, e gof, e chouk, e benn, e lagad, e deod, e veg
Me zisplunfe troad d'al laouenan.
E droad, e c'har, e vorzed, e gein, e gof, e chouk, e benn, e lagad, e deod, e veg,
Me zisplunfe e droad d'al laouenan.
Me zisplunfe ivin d'al laouenanik
E ivin, e droad, e c'har, e vorzed, e gein, e gof, e chouk, e benn, e lagad, e deod, e veg
Me zisplunfe e droad d'al laouenan.
Me zisplunfe eskel d'al laouenanik
E eskel, e ivin, e droad, e c'har, e vorzed, e gein, e gof, e chouk, e benn, e lagad, e
deod, e veg.
Me zisplunfe e droad d'al laouenan.
Me zisplunfe lost d'al laouenanik
E lost, e askel, e ivin, e droad, e c'har, e vorzed, e gein, e gof, e chouk, e benn, e lagad
e deod, e veg.
Me zisplunfe e droad d'al laouenan.
Sethu displunvet tout al laouenanik !

MICHEL FLATRÈS.